



Pou Piblikasyon Imedya: 07/04/2022

GOUVÈNÈ KATHY HOCHUL

GOUVÈNÈ HOCHUL ANONSE 189 MILYON DOLA POU FINANSE PWOJÈ ENFRASTRIKTI DLO

Pwojè yo sitiye nan Rejyon Kapital, Santral NY, Mid-Hudson, Long Island, Mohawk Valley, Vil New York, North Country ak Southern Tier

Jodi a, Gouvènè Kathy Hochul te anonse ke Konsèy Administrasyon Kòporasyon Etablisman Anviwònmanal Eta a (State Environmental Facilities Corporation, NYS EFC) te apwouve plis pase 189 milyon dola finansman pou nèf minisipalite ak otorite piblik pou pwojè enfrastrikti dlo ize ak dlo potab ki enpòtan. Finansman Konsèy la apwouve yo genyen ladan yo finansman akoutèm ak sibvansyon yo te anonse anvan k ap pèmèt kominote yo gen aksè nan kapital ki nesèsè pou lanse pwojè yo, ansanm ak konvèsyon prè alontèm ki refinance yon pwojè ki egziste pou jiska trant an pou diminye chaj dèt sou minisipalite a epi ede ekonomize lajan kontribyab yo.

"Modènize sistèm dlo nou yo enpòtan pou ranfòse rezistans enfrastrikti nou epi ede asire ke Nouyòkè yo gen aksè nan dlo potab," **Gouvènè Hochul te deklare.**

"Administrasyon mwen an fyè pou bay pwojè enfrastrikti enpòtan yo priyorite atravè eta a, epi finansman sa ap ede lokalite yo revize sistèm jesyon dlo ak dlo ize ki ansyen yo, devlope aksè nan dlo pwòp, k ap amelyore sante piblik la."

Prezidan ak Direktè Egzekitif Jeneral Kòporasyon Etablisman Anviwònmanal (Environmental Facilities Corporation, Maureen A. Coleman, te

deklare, "Finansman sa yo pèmèt konstriksyon pwojè dlo potab ak dlo ize nan kominote atravè eta nou an. EFC remèsye Gouvènè Hochul dèske li bay kalite dlo a priyorite epi ede patnè gouvènman lokal nou yo reyalize pwojè ki vital ki pwoteje anviwònman an epi bay benefis ki ekstraòdinè pou kominote yo, k ap amelyore alafwa sante piblik ak sante ekonomi nou an."

Prezidan Kòporasyon Etablisman Anviwònmanal ak Komisè Depatman

Konsèvasyon Anviwònmanal la (Department of Environmental Conservation,

DEC), Basil Seggos, te deklare, "Gouvènè Hochul kontinye sipòte epi bay finansman eta enpòtan sa priyorite pou garanti dlo pwòp pou kominote nou yo kounye a epi konstui yon sistèm enfrastrikti ki solid ki ka reziste ak menas anviwònmanal yo. DEC fyè pou fè patenarya avèk Kòporasyon Etablisman Anviwònmanal la ak kominote atravè eta a pou ede ranplase epi ranfòse sistèm enfrastrikti idwolik ak dlo ize ki ansyen New York la."

Komisè Depatman Sante a Doktè Mary T. Bassett, te deklare, “Angajman fiskal enpòtan sa yo pou trete nouvo kontaminan ki fèk règleman ki menase kalite dlo potab epi pou asire eliminasyon apwopriye dlo ize, ap konstui kominote ki pi an sante epi amelyore byennèt tout Nouyòkè. Nou kontan paske nou kapab bay sipò sa pandan kominote yo ap travay pou amelyore ak modènize sistèm septik ki ansyen yo”.

Apwobasyon Konsèy yo enkli finansman atravè Fon Woulman Eta a pou Dlo Pwòp la (Clean Water State Revolving Fund, CWSRF) ak Fon Woulman Eta a pou Dlo Potab (Drinking Water State Revolving Fund, DWSRF) ak sibvansyon yo te deja anonse konfòmman ak Lwa pou Amelyorasyon Enfrastrikti Idwolik la (Water Infrastructure Improvement Act, WIIA). Vizite [sitwèb](#) EFC a pou aprann plis sou opòtinite finansman enfrastrikti dlo.

Finansman Pwojè Dlo Pwòp yo apwouve:

- Komin Constantia nan Konte Oswego - 5,000,000 dola sibvansyon WIIA, 15,400,000 dola finansman san enterè akoutèm ak 15,600,000 finansman akoutèm nan to mache a, pou planifye, konsewa epi konstui Distri Egou nan Constantia-Bernhards Bay la ak ekspansyon Izin Trètman Dlo Ize Vilaj Cleveland lan.
- Vilaj Fishkill nan Konte Dutchess - 4,125,000 dola sibvansyon WIIA ak 17,375,000 nan finansman akoutèm, san enterè pou mizajou izin trètman dlo ize, modènizasyon estasyon ponp, ak enstalasyon yon nouvo mendèv.
- Vilaj Lowville nan Konte Lewis - 1,017,000 dola sibvansyon WIIA, 2,709,750 dola sibvansyon WIIA, 2,806,628 dola finansman akoutèm, san enterè ak 5,041,250 dola finansman akoutèm, nan to mache a pou amelyorasyon trètman dlo ize.
- Vilaj Rome nan Konte Oneida - 2,160,300 dola finansman alontèm, san enterè pou amelyorasyon dijestè anayewobi.

Finansman Pwojè Dlo Potab yo apwouve:

- Vilaj Florida nan Konte Orange - 3,000,000 dola sibvansyon WIIA ak 2,290,000 dola finansman akoutèm nan to mache a, pou mizajou sistèm filtrasyon.
- Vilaj Fort Edward nan Konte Washington - 2,766,698 dola sibvansyon WIIA ak 1,844,466 dola finansman akoutèm, nan to mache a pou ranplase apeprè 7,650 pye lineyè konduit dlo ki vyeyi, ranplase yon rezèwa 200,000-dlo epi modènize estasyon ponbaj ki egziste a.
- Vilaj Hobart nan Konte Delaware - 473,400 dola sibvansyon DWSRF 315,600 dola nan finansman akoutèm, san enterè pou konstui de nouvo pui pou bay dlo, ranplase ponp filtè ki egziste yo, ranplase medya filtè an fè/manganèz yo, epi modènize tiyo izin trètman dlo a.

- Distri Idwolik Manhasset-Lakeville nan Konte Nassau - 7,476,600 dola sibkansyon WIIA pou enstale yon nouvo sistèm tretman oksidasyon avanse ak kontraktè chabon aktif an grenn pou retire kontaminan emèjan yo nan de pui nan Izin Nim. 1 Seasingtown Road la.
- Otorite Minisipal Finansman Dlo Vil New York (New York City Municipal Water Finance Authority) - 100,000,000 dola finansman akoutèm nan to mache a pou planifye epi konstrui Izin Filtrasyon Dlo Croton lan ak enstalasyon ki asosye yo (Faz 15).

Nou ankouraje Gouvènman Lokal yo patisipe nan ankèt sou bezwen basen vèsan ki pwòp yo

EFC rekòmande minisipalite yo pou patisipe nan Ankèt sou Bezwen Basen Vèsan Idwolik Pwòp (CWNS) Ajans Pwoteksyon Anviwònmanal (Environmental Protection Agency, EPA) la, ke EFC te lanse nan New York nan 1 mas. Patisipasyon an enpòtan paske li afekte ki kantite finansman federal y ap afekte nan Fon Woulman Eta a pou Dlo Pwòp la (Clean Water State Revolving Fund, CWSRF) pou Eta New York pou finanse pwojè enfrastrikti dlo alavni yo. Yo mande minisipalite yo pou dokimante bezwen enfrastrikti dlo ize kominotè yo pou soumèt bay EPA. Ale sou www.efc.ny.gov/needs pou w soumèt dokiman yo ak pou jwenn resous pou ede avèk soumisyon yo.

###

Lèt nou vèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)